

**დამტკიცებულია თბილისის ჰუმანიტარული სასწავლო უნივერსიტეტის  
აკადემიური საბჭოს 2019 წლის 31 მაისის №13 დადგენილებით**

**შპს თბილისის ჰუმანიტარული სასწავლო უნივერსიტეტის  
საგამოცდო ცენტრის დებულება**

**მუხლი 1. საგამოცდო ცენტრი**

- 1.1. დებულება განსაზღვრავს შპს თბილისის ჰუმანიტარული სასწავლო უნივერსიტეტის (შემდგომში უნივერსიტეტის) საგამოცდო ცენტრის (შემდგომში ცენტრი) ფუნქციებს, საგამოცდო პროცესში ჩართული პირების უფლებამოსილებებსა და საგამოცდო პროცესის ორგანიზების პირობებსა და წესს.
- 1.2. დებულება შემუშავებულია საქართველოს მოქმედი კანონმდებლობის, უნივერსიტეტის დებულებისა და სხვა შიდა სამართლებრივი აქტების შესაბამისად.
- 1.3. შუალედური, დასკვნითი, დამატებითი გამოცდების ორგანიზებასა და ჩატარებას პროცედურებს განსაზღვრავს შუალედური და დასკვნითი გამოცდების ჩატარების წესი.

**მუხლი 2. საგამოცდო ცენტრის ფუნქცია-მოვალეობები**

**2.1. საგამოცდო ცენტრის ფუნქციებია:**

- ა. საგამოცდო პროცესისათვის რელევანტური გარემო ფაქტორების უზრუნველყოფა;
- ბ. უნივერსიტეტში შუალედური, დასკვნითი და დამატებითი გამოცდების მოწყობა, ორგანიზება;
- გ. საგამოცდო პროცესის მონიტორინგი, შეფასება და გამოვლენილი ხარვეზების გამოსწორების მიზნით, შესაბამისი რეკომენდაციების შემუშავება და ხელმძღვანელობისთვის წარდგენა;
- დ. საგამოცდო პროცესში მონაწილე პირებისათვის გამოცდებთან დაკავშირებული ინფორმაციის დროული და სრულყოფილი მიწოდება;
- ე. საგამოცდო საკითხების კონფიდენციალობის დაცვა;

- ვ. შუალედური, დასკვნითი, დამატებითი გამოცდების მასალების მომზადება გამოცდებამდე ერთი კვირით ადრე;
- ზ. გამოცდის დასრულების შემდგომ საგამოცდო ნაშრომების/ტესტების სასწავლო კურსის ხელმძღვანელისთვის გადაცემა;
- თ. გამოცდის შედეგების (სტუდენტთა შეფასებების) სასწავლო პროცესის მართვის ელექტრონულ ბაზაში შეტანა;

### **მუხლი 3. გამოცდების ჩატარების პროცედურები**

- 3.1. სტუდენტი ვალდებულია გამოცდაზე გამოცხადდეს გამოცდის დაწყებამდე 10 წუთით ადრე პირადი მონაცემების დამადასტურებელი დოკუმენტით.
- 3.2. დამკვირვებელი ვალდებულია სტუდენტებს გააცნოს ქცევის წესები და თვალყური ადევნოს საგამოცდო პროცესს.
- 3.3. გამოცდაზე დაუშვებელია:
  - ა. ხმაური, გადალაპარაკება, ასევე სხვისი ნაშრომის გამოყენება/გადაწერა;
  - ბ. სხვა პირებთან კონსულტირება ან ურთიერთობა გამოცდის პერიოდში;
  - გ. გამოცდაზე კალკულატორის ან ნაბეჭდი მასალის გამოყენება, გარდა საგამოცდო საკითხით გათვალისწინებულისა; აღნიშნული განისაზღვრება მხოლოდ სასწავლო კურსის განმახორციელებელი პირის გადაწყვეტილებით;
  - დ. მობილური ტელეფონის, აიპადის, კალკულატორის, სხვა ელექტრონული ხელსაწყოების გამოყენება;
  - ე. საგამოცდო ნაშრომის ჩაბარებამდე საგამოცდო ოთახის დატოვება ნებისმიერი მიზეზით, გარდა ჯანმრთელობის მდგომარეობით განპირობებულისა.
- 3.4. სტუდენტისათვის მიცემული გაფრთხილების და დამკვირვებლის მიერ მიღებული გადაწყვეტილების შესაბამისად, სტუდენტი შესაძლებელია მოიხსნას გამოცდიდან.
- 3.5. სტუდენტის გამოცდიდან მოხსნის საფუძველია:
  - ა. სხვა პირის ნაცვლად გამოცდის ჩაბარების მცდელობა;
  - ბ. ალკოჰოლის, ნარკოტიკული ან ფსიქოტროპული ნივთიერებების ზემოქმედებისქვეშ ყოფნა;
  - გ. ეთიკური და დისციპლინარული ნორმების უგულებელყოფა;

#### **მუხლი 4. დასკვნითი დებულებები**

- 4.1. წინამდებარე დებულება მტკიცდება თჳს აკადემიური საბჭოს მიერ;
- 4.2. დებულებაში ცვლილებები და დამატებები შეტანა ხორციელდება აკადემიური საბჭოს დადგენილებით.
- 4.3. დებულება ძალაში შედის მიღებისთანავე.